

**საჯარო სამართლის იურიდიული პირი –  
ბათუმის ხელოვნების სასწავლო უნივერსიტეტის  
აკადემიური საბჭო**

---

ქ. ბათუმი

2010 წლის 11 ოქტომბერი

**დ ა დ გ ე ნ ი ლ ე ბ ა № 10**

**ბათუმის ხელოვნების სასწავლო უნივერსიტეტის წარჩინებულ სტუდენტთა  
სახელობითი სტიპენდიის გაცემის წესის დამტკიცების შესახებ**

„ზოგადი ადმინისტრაციული კოდექსის“ 51-ე, 52-ე და 53-ე მუხლის, „უმა-  
ღლესი განათლების შესახებ“ საქართველოს კანონის 22-ე მუხლის პირველი  
პუნქტისა და 43-ე მუხლის 1 პუნქტის „ი“ ქვეპუნქტის საფუძველზე

აკადემიური საბჭო ადგენს:

1. დამტკიცდეს ბათუმის ხელოვნების სასწავლო უნივერსიტეტის წარჩინებულ  
სტუდენტთა სახელობითი სტიპენდიის გაცემის წესი, თანახმად დანართისა.
2. დადგენილება ძალაშია ხელმოწერისთანავე.

**აკადემიური საბჭოს  
თავმჯდომარე**

ე. მესხია

დანართი

## დ ე ბ უ ლ ე ბ ა

### ბათუმის ხელოვნების უნივერსიტეტის წარჩინებულ სტუდენტთა სახელობითი სტიპენდიის გაცემის წესის შესახებ

#### მუხლი 1. ზოგადი დებულებანი

1. სსიპ-ბათუმის ხელოვნების უნივერსიტეტის წარჩინებულ სტუდენტთა სახელობითი სტიპენდია (შემდგომში - „სტიპენდია“) გამიზნულია იმ სტუდენტთა წახალისებისათვის, რომლებიც სწავლობენ ბათუმის ხელოვნების უნივერსიტეტში (შემდგომში - „უნივერსიტეტი“) და არიან გამორჩეულნი სწავლაში მიღწეული წარმატებებით, აგრეთვე აქტიური სამეცნიერო საქმიანობით.
2. სტიპენდიის მოსაპოვებლად განაცხადის წარდგენის ფორმა, კონკურსზე წარსადგენი დოკუმენტაციის ნუსხა და კონკურსის პირობები განისაზღვრება.
3. სტიპენდიის დაფინანსება ხორციელდება უნივერსიტეტის ბიუჯეტით, ამ მიზნით გამოყოფილი თანხის ფარგლებში.
4. სტიპენდიის მინიჭების მიზნით უნივერსიტეტში იქმნება სტიპენდიის მინიჭების კომისია (შემდეგში - „კომისია“), რომლის საქმიანობის წესი და უფლებამოსილებები განისაზღვრება ამ დებულებით.
5. საკონკურსო შერჩევის საფუძველზე სტიპენდია გაიცემა სემესტრული შედეგების მიხედვით, ყოველთვიურად ერთი წლის ვადით, თუ წინამდებარე დებულებით დადგენილი წესით არ იქნა მიღებული გადაწყვეტილება სტიპენდიის ვალამდე ადრე შეწყვეტის თაობაზე.
6. თითოეული სახელობითი სტიპენდიისათვის თანხის ოდენობა განისაზღვრება აკადემიური საბჭოს წარდგინებით წარმომადგენლობითი საბჭოს გადაწყვეტილებით.
7. სტიპენდია ენიშნებათ სტუდენტებს სწავლების მესამე სემესტრიდან.
8. ყოველ ფაკულტეტზე სტიპენდიატთა რაოდენობა და სტიპენდიის დასახელება განისაზღვრება ფაკულტეტის საბჭოს წარდგინებითა და აკადემიური საბჭოს გადაწყვეტილებით. ხოლო საუნივერსიტეტო სტიპენდიატთა რაოდენობას და სტიპენდიის დასახელებას განსაზღვრავს აკადემიური საბჭო.
9. კომისიის მიერ არ განიხილება ფინანსური დავალიანების მქონე სტუდენტის განაცხადი.
10. სტუდენტს სახელობითი სტიპენდიასთან ერთად სხვა სახის სტიპენდია (მათ შორის სახელმწიფო სტიპენდია) არ მიეცემა, მას უფლება აქვს არჩევანი გააკეთოს სტიპენდიებს შორის.

## **მუხლი 2. განცხადება კონკურსის შესახებ**

1. სტუდენტთა სახელობითი სტიპენდიის მოსაპოვებლად კონკურსს აცხადებს უნივერსიტეტი.

2. კონკურსის გამოცხადების შესახებ განცხადება უნდა შეიცავდეს:

ა) კონკურსის პირობებს;

ბ) პრეტენდენტისადმი წაყენებულ მოთხოვნებს;

გ) წარმოსადგენი საკონკურსო დოკუმენტაციის ნუსხასა და პირობებს;

დ) განაცხადის წარმოდგენის ვადასა და ადგილს

3. კონკურსში მონაწილეობის მისაღებად განაცხადის წარდგენის უფლება აქვს უნივერსიტეტის აკადემიური უმაღლესი განათლების სამივე საფეხურის სტუდენტს, სწავლების მეორე წლიდან, თუ:

ა) საფაკულტეტო სტიპენდიის მისაღებად კონკურსის გამოცხადების მომენტისათვის სასწავლო პროგრამით გათვალისწინებულ ყველა დისციპლინაში აქვს 91 და მეტი ქულა; ან გამონაკლის შემთხვევაში დისციპლინების 1/4 -ზე მეტში არ აქვს შეფასება 81 ქულაზე ნაკლები. ხოლო საუნივერსიტეტო სტიპენდიის მისაღებად კონკურსის გამოცხადების მომენტისათვის სასწავლო პროგრამით გათვალისწინებულ ყველა დისციპლინაში აქვს 91 და მეტი ქულა

ბ) გამოქვეყნებული აქვს სამეცნიერო ნაშრომი შესაბამის სპეციალობაში ან არის სხვადასხვა სამეცნიერო ან სასწავლო კონფერენციების, სემინარების, სიმპოზიუმების და ა.შ. მონაწილე და აქვს მიღწევები.

გ) შესაბამისი სპეციალობის მიხედვით აქვს შემოქმედებითი აქტივობა და წარმატებები (მონაწილეობა გამოფენებში, კონცერტებში, კონკურსებში, სპექტაკლები და ა.შ.)

4. ამ მუხლის მე-2 პუნქტის „გ“ ქვეპუნქტით გათვალისწინებული საკონკურსო დოკუმენტაცია უნდა მოიცავდეს:

ა) განცხადებას კონკურსში მონაწილეობის შესახებ, (დანართი 1)

ბ) სასწავლო-შემოქმედებით/სამეცნიერო ავტობიოგრაფიას (CV). (დანართი 2)

გ) სამეცნიერო კონფერენციის, სემინარის, სიმპოზიუმის, შემოქმედებითი წარმატებების და სხვა ღონისძიებებში აქტიური მონაწილეობის დამადასტურებელი დიპლომ(ები)ის, სიგელ(ები)ის, სერთიფიკატის, პროგრამების და სხვა დედანს ან ნოტარიულად დამოწმებულ ასლებს;

დ) პირადობის მოწმობის ასლს;

ე) ცნობას სტუდენტის აკადემიური მოსწრების შესახებ;

ვ) სტუდენტის მიერ გამოქვეყნებული ნაშრომ(ები)ის დედანს ან დამოწმებულ ასლს;

ზ) არანაკლებ ერთ რეკომენდაციას პროფესორისაგან, რომელიც კარგად იცნობს პრეტენდენტის სასწავლო-შემოქმედებით და სამეცნიერო საქმიანობას.

5. კონკურსის ჩატარების შესახებ განცხადება უნდა გამოქვეყნდეს უნივერსიტეტის ვებ-გვერდზე და ფაკულტეტების საინფორმაციო დაფებზე განცხადების მიღების დასრულებამდე არანაკლებ 20 კალენდარული დღით ადრე.

### **მუხლი 3. კომისია**

1. საკონკურსო კომისია იქმნება რექტორის ინდივიდუალური ადმინისტრაციულ-სამართლებლივი აქტით. კომისიის შემადგენლობაში შედიან: უნივერსიტეტის ხარისხის უზრუნველყოფის სამსახურის უფროსი, ფაკულტეტის დეკანი, იურისტი, სტუდენტებთან მუშაობის განყოფილების უფროსი, სტუდენტური თვითმმართველობის წარმომადგენელი.

2. კომისია პირველივე სხდომაზე ღია კენჭისყრით ირჩევს თავმჯდომარეს, თავმჯდომარის მოადგილესა და მდივანს, წევრთა უმრავლესობით.

3. კომისიის სხდომებს ესწრებიან მხოლოდ კომისიის წევრები.

4. კომისია უფლებამოსილია, თუ მას ესწრება სიითი შემადგენლობის უმრავლესობა.

5. კომისიის სხდომებს უძღვება კომისიის თავმჯდომარე, ხოლო მისი არყოფნის შემთხვევაში თავმჯდომარის მოადგილე.

6. კომისია:

ა) ისმენს მოხსენებას საკონკურსო დოკუმენტაციის შემოწმების შედეგების თაობაზე;

ბ) ადგენს იმ განაცხადებს რომლებიც არ ექვემდებარება განხილვას;

გ) განიხილავს შეფასებისათვის წარდგენილ პრეტენდენტების განცხადებებს (საკონკურსო დოკუმენტაციას) და ახდენს მათ შეფასებას;

დ) იღებს გადაწყვეტილებას სტიპედიატისათვის სტიპენდიის ვადაზე ადრე შეწყვეტის თაობაზე.

7. საჭიროების შემთხვევაში უნივერსიტეტის მიერ კომისიაში შეიძლება მოწვეული იქნეს ექსპერტი სათათბირო ხმის უფლებით.

### **მუხლი 4. პრეტენდენტის განცხადების (საკონკურსო დოკუმენტაციის)**

#### **წარდგენის წესი**

1. პრეტენდენტის მიერ საკონკურსო დოკუმენტაცია უნივერსიტეტში წარმოდგენილი უნდა იქნეს პირადად, ქართულ ენაზე 2 (ორ) ეგზემპლარად.

2. საკონკურსო დოკუმენტაციის მიღებასა და მის რეგისტრაციას აწარმოებს საკონკურსო კომისიის მდივანი

3. თითოეულ პრეტენდენტს აქვს მხოლოდ ერთი განაცხადის (საკონკურსო დოკუმენტაციის) წარდგენის უფლება.

4. საკონკურსო დოკუმენტაციის წინამდებარე დებულების მოთხოვნებთან შესაბამისობაზე პასუხისმგებელია პრეტენდენტი.

5. საკონკურსო დოკუმენტაცია მდივანს ბარდება დანომრილი სახით. ამასთან განცხადებაში უნდა მიეთითოს თანდართული საკონკურსო დოკუმენტაციის ფურცლების რაოდენობა.

6. განაცხადი (საკონკურსო დოკუმენტაცია) მდივნის მიერ მიღება მხოლოდ მუხლი 2, პუნქტი 2-ის „დ“ ქვეპუნქტით განსაზღვრულ ვადაში.

7. პრეტენდენტს უფლება აქვს განაცხადების (საკონკურსო დოკუმენტაციის) მიღების ვადის დასრულებამდე ნებისმიერ დროს წერილობით მიმართოს მდივანს თხოვნით განაცხადის (საკონკურსო დოკუმენტაციის) შეცვლის ან მასში ცვლილებების შეტანის თაობაზე.

8. განაცხადის (საკონკურსო დოკუმენტაციის) მიღების დასრულების შემდგომ მასში ცვლილებების შეტანა დაუშვებელია.

### **მუხლი 5. საკონკურსო დოკუმენტაციის შერჩევა**

1. საკონკურსო დოკუმენტაციის მიღების ვადის დასრულების შემდეგ მდივნის მიერ კომისიის წევრების მონაწილეობით ხორციელდება მათი შემოწმება კონკურსის მოთხოვნებთან შესაბამისობის დადგენის მიზნით:

ა) სრულად არის თუ არა წარმოდგენილი ყველა დოკუმენტი;

ბ) არის თუ არა ყველა საჭირო დოკუმენტი შედგენილი შესაბამისი ფორმის დაცვით (უფლებამოსილი პირის ხელმოწერა, საჭიროების შემთხვევაში ბეჭდით დამოწმებული, თარიღის მითითება და სხვა.);

გ) შეესაბამება თუ არა საკონკურსო დოკუმენტაციის მონაცემები ამ დებულების მე-2 მუხლის მე-3 პუნქტის მოთხოვნებს.

2. საკონკურსო დოკუმენტაცია არ განიხილება შეფასებისათვის შემდეგ შემთხვევებში:

ა) თუ პრეტენდენტის მიერ არ არის წარმოდგენილი ყველა საჭირო დოკუმენტი ან/და ინფორმაცია;

ბ) თუ პრეტენდენტის მიერ ინფორმაცია/დოკუმენტები წარმოდგენილი არ არის შესაბამისი ფორმის დაცვით (ხელმოწერა, ბეჭდი, ნოტარიული დამოწმება და ა. შ.);

გ) თუ პრეტენდენტის მიერ წარმოდგენილი მონაცემები ან/და დოკუმენტები ყალბი აღმოჩნდა.

3. შემოწმების პროცედურის დასრულების შემდგომ კომისია განიხილავს შედეგებს.

### **მუხლი 6. საკონკურსო დოკუმენტაციის განხილვა და შეფასება**

1. საკონკურსო დოკუმენტაციის განხილვასა და შეფასებას ახორციელებს კომისია.

2. საკონკურსო დოკუმენტაციის შეფასება ხორციელდება შემდეგი კრიტერიუმების მიხედვით:

ა) საფაკულტეტო სტიპენდიის მიღებისას საგანმანათლებლო პროგრამით გათვალისწინებულ ყველა სასწავლო კურსში /მოდულში 91 ქულა და მეტი შეფასება; ან გამონაკლის შემთხვევაში დისციპლინების 1/4 -ზე მეტში არ აქვს შეფასება 81 ქულაზე ნაკლები. ხოლო საუნივერსიტეტო სტიპენდიის მიღებისას საგანმანათლებლო პროგრამით გათვალისწინებულ ყველა სასწავლო კურსში /მოდულში 91 ქულა და მეტი შეფასება

ბ) შესაბამის სპეციალობაში შემოქმედებითი აქტივობა და წარმატებები (გამოფენები, კონცერტები, კონცერტები, სპექტაკლები და ა. შ.) გამოქვეყნებული სამნეცნიერო ნაშრომი ან სხვადასხვა სამეცნიერო ან სასწავლო კონფერენციების, სემინარების, სიმპოზიუმების და ა.შ. მონაწილეობა და მიღებული მაღალი მიღწევები.

3. გამოცხადებულ კონკურსში გამარჯვებულად ჩაითვლება ის კანდიდატი, რომელიც ყველაზე მეტ ქულას დააგროვებს.

## **მუხლი 7. კომისიის გადაწყვეტილება და სტიპენდიის ხელშეკრულება**

1. კომისია თითოეულ პრეტენდენტზე გადაწყვეტილებას იღებს დრა კენჭისყრით დამსწრე წევრთა უბრალო უმრავლესობით.

2. კომისიის ყოველ წევრს აქვს ერთი ხმის უფლება. კენჭისყრის შედეგად ხმების თანაბრად გადანაწილების შემთხვევაში გადაწყვეტილებას იღებს კომისიის თავმჯდომარე.

3. კომისიის გადაწყვეტილება ფორმდება სხდომის ოქმით, რომელსაც ხელს აწერს კომისიის თავმჯდომარე და მდივანი.

4. კომისიის გადაწყვეტილების საფუძველზე სტიპენდიატან ფორმდება შესაბამისი ხელშეკრულება.

5. ხელშეკრულება წარმოადგენს სტიპენდიის გაცემის საფუძველს.

## **მუხლი 8. სტიპენდიატის მონიტორინგი**

1. კომისიის გადაწყვეტილების საფუძველზე სტიპენდიატს ვადამდე შეუწყდება სტიპენდია თუ:

ა) საფაკულტეტო სტიპენდიის შემთხვევაში სემესტრის დასასრულს ვერ მიიღებს საგანმანათლებლო პროგრამით გათვალისწინებულ ყველა საგანში 91 და მეტ ქულას; ან 1/4 - ზე მეტ საგანში დაუგროვდება 81 ქულაზე ნაკლები; ხოლო საუნივერსიტეტო სტიპენდიის შემთხვევაში სემესტრის დასასრულს ვერ მიიღებს საგანმანათლებლო პროგრამით გათვალისწინებულ ყველა საგანში 91 და მეტ ქულას

ბ) დაარღვევს ხელშეკრულებით გათვალიწინებულ მოთხოვნებს.

## **მუხლი 9. დებულებაში ცვლილებებისა და დამატებების შეტანა**

ამ დებულებაში ცვლილებებისა და დამატებების შეტანა ხორციელდება საქართველოს კანონმდებლობით დადგენილი წესით აკადემიური საბჭოს გადაწყვეტილებით.

## განცხადება კონკურსში მონაწილეობის შესახებ

სსიპ-ბათუმის ხელოვნების სახელმწიფო  
უნივერსიტეტის რექტორს

ბატონ .....

1	სახელი, გვარი
2	პირადობის დამადასტურებელი დოკუ- მენტის ნომერი და პირადი ნომერი
3	დაბადების თარიღი (რიცხვი, თვე, წელი)
4	დაბადების ადგილი
5	საცხოვრებელი ადგილის მისამართი
6	ტელეფონი
7	ელექტრონული ფოსტა
8	ფაკულტეტი
9	სპეციალობა

მოგახსენებთ, რომ გავეცანი კონკურსის დებულებას და ვალიარებ მის სავალდებულო  
დაცვას. გთხოვთ მიიღოთ ჩემი განცხადება წარმოდგენილი უნივერსიტეტის  
წარჩინებულ სტუდენტთა სახელობითი სტიპენდიის მოსაპოვებლად გამოცხადებულ  
კონკურსში.

განცხადებას თან ერთვის:

- სასწავლო-შემოქმედებითი/სამეცნიერო ავტობიოგრაფია (CV);
- შემოქმედებითი წარმატებების, სამეცნიერო კონფერენციის, სემინარის,  
სიმპოზიუმის და სხვა ღონისძიებებში აქტიური მონაწილეობის დამადასტურებელი  
დიპლომ(ებ)ის, სიგელ(ებ)ის, სერთიფიკატის, პროგრამების და სხვა დედანი ან  
ნოტარიულად დამოწმე-ბული ასლი;
- პირადობის მოწმობის ასლი;
- ცნობა სტუდენტის აკადემიური მოსწრების შესახებ;
- გამოქვეყნებული ნაშრომ(ებ)ის დედანი ან დამოწმებულ ასლი;
- სარეკომენდაციო წერილი

ვადასტურებ რომ ჩემს მიერ მოწოდებული ინფორმაცია ზუსტია და არ შეიცავს ყალბ  
მონაცემებს. ამასთანავე, უნივერსიტეტს ვაძლევ უფლებას, ნებისმიერ დროს  
გადაამოწმოს მოწოდებული ინფორმაციის სიზუსტე. ვაცნობიერებ, რომ უნივერსიტეტის  
მიერ ნებისმიერი სახის ყალბი მონაცემის აღმოჩენის შემთხვევაში ჩემი განცხადი  
საკონკურსოდ არ განიხილება.

.....  
.....

ხელმოწერა

თარიღი

**სასწავლო-შემოქმედებითი / სამეცნიერო ავტობიოგრაფია (CV);**

**1. სახელი, გვარი**

**2. ფაკულტეტი**

№	ფაკულტეტი	სპეციალობა	ჩარიცხვის წელი

**3. სემესტრის განმავლობაში მიღებული შეფასებები**

№	სემესტრი	სასწავლო კურსი/მოდული	შეფასება	შენიშვნა

**4. შემომედებითი აქტიობა და წარმატებები**

№	დასახელება	რიცხვი/თვე/ წელი	ადგილი	შენიშვნა

**5. პუბლიკაციების რაოდენობა:.....**

**6. პუბლიკაციების ჩამონათვალი კონკურსანტის შეხედულებისამებრ**

№	წელი	პუბლიკაციის დასახელება	გამომცემლობა	პუბლიკაციის სახე

**7. სამეცნიერო ფორუმებში მონაწილეობა**

№	წელი	ღონისძიების დასხელება	მოხსენების სათაური	ღონისძიების ჩატარების ადგილი

**8. დამატებითი ინფორმაცია სურვილისამებრ**

## კონკურსზე წარსადგენი დოკუმენტაციის საკონტროლო ნუსხა

Nº	წარსადგენი საკონკურსო დოკუმენტები	ეგზემპლია რთა რაოდენობა	დოკუმენტის სისწორის ნოტარიული დამოწმება
1	სასწავლო-შემოქმედებითი/სამეცნიერო ავტობიოგრაფია (CV)	4	არ არის სავალდებულო
2	შემოქმედებითი წარმატებების, სამეცნიერო კონფერენციის, სემინარის, სიმპოზიუმის და სხვა ღონისძიებებში აქტიური მონაწილეობის დამადასტურებელი დიპლომ(ებ)ის, სიგელ(ებ)ის, სერთიფიკატის, პროგრამების და სხვა დედანი ან ნოტარიულად დამოწმებული ასლი;	4	სავალდებულოა
3	პირადობის მოწმობის ასლი;	4	არ არის სავალდებულო
4	ცნობა სტუდენტის აკადემიური მოსწრების შესახებ;	4	არ არის სავალდებულო
5	გამოქვეყნებული ნაშრომ(ებ)ის დედანი ან დამოწმებულ ასლი;	4	სავალდებულოა
6	სარეკომენდაციო წერილი	4	არ არის სავალდებულო

**გ ა ნ ც ხ ა დ ე ბ ა**  
საჯარო სამართლის იურიდიული პირი -  
ბათუმის ხელოვნების სასწავლო უნივერსიტეტის საფაკულტეტო  
სახელობითი სტიპენდიების მოსაპოვებლად კონკურსის  
გამოცხადების შესახებ

ბათუმის ხელოვნების სასწავლო უნივერსიტეტის სახვითი, სასცენო და კინო-ტელე ხელოვნების; ჰუმანიტარულ და სოციალურ მეცნიერებათა და მუსიკის ფაკულტეტები აცხადებენ კონკურსს შემდეგი სახელობითი სტიპენდიების მოსაპოვებლად:

1. სახვითი, სასცენო და კინო-ტელე ხელოვნების ფაკულტეტი

.....

2. ჰუმანიტარულ და სოციალურ მეცნიერებათა ფაკულტეტი

.....

3. მუსიკის ფაკულტეტი

ზაქარია ფალიაშვილის სახელობის

კონკურსში მონაწილეობის მისაღებად განაცხადის წარდგენის უფლება აქვს უნივერსიტეტის აკადემიური უმაღლესი განათლების სამივე საფეხურის სტუდენტს, სწავლების მეორე წლიდან თუ:

ა) სტიპენდიის მისაღებად კონკურსის გამოცხადების მომენტისათვის სასწავლო პროგრამით გათვალისწინებულ ყველა დისციპლინაში აქვს 91 და მეტი ქულა; ან გამონაკლის შემთხვევაში დისციპლინების  $\frac{1}{4}$  -ზე მეტში არ აქვს შეფასება 81 ქულაზე ნაკლები.

ბ) გამოქვეყნებული აქვს სამეცნიერო ნაშრომი შესაბამის სპეციალობაში ან არის სხვადასხვა სამეცნიერო ან სასწავლო კონფერენციების, სემინარების, სიმპოზიუმების და ა.შ. მონაწილე და აქვს მაღალი მიღწევები.

გ) შესაბამისი სპეციალობის მიხედვით აქვს შემოქმედებითი აქტივობა და წარმატებები (მონაწილეობა გამოფენებში, კონცერტებში, კონკურსებში, სპექტაკლები და ა.შ.)

კონკურსში მონაწილეობისათვის წარმოდგენილ უნდა იქნეს შემდეგი საბუთები:

ა) განცხადება კონკურსში მონაწილეობის შესახებ;

ბ) სტუდენტის სასწავლო - შემოქმედებითი / სამეცნიერო ავტობიოგრაფია;

გ) შემოქმედებითი წარმატებების, სამეცნიერო კონფერენსის, სემინარის, სიმპოზიუმის და სხვა ღონისძიებებში აქტიური მონაწილეობის დამადასტურებელი დიპლომ(ებ)ის, სიგელ(ებ)ის, სერთიპიკატ(ებ)ის, პროგრამების და სხვა დედანი ან ნოტარიულად დამოწმებული ასლი;

დ) პირადობის მოწმობის ასლი;

ე) ცნობა სტუდენტის აკადემიური მოსწრების შესახებ;

ვ) სტუდენტის მიერ გამოქვეყნებული ნაშრომ(ებ)ის ქსერო ასლი;

ზ) არანაკლებ ერთი რეკომენდაცია პროფესორისაგან, რომელიც კარგად იცნობს პრეტენდენტის სასწავლო და სამეცნიერო საქმიანობას

საკონკურსო დოკუმენტაციის შეფასება ხორციელდება შემდეგი კრიტერიუმების მიხედვით:

ა) საგანმანათლებლო პროგრამით გათვალისწინებულ ყველა სასწავლო კურსში/მოდულში 91 ქულა და მეტი შეფასება; ან გამონაკლის შემთხვევაში დისციპლინების 1/4 -ზე მეტში არ აქვს შეფასება 81 ქულაზე ნაკლები.

ბ) შესაბამის სპეციალობაში გამოქვეყნებული სამეცნიერო ნაშრომი ან სხვადასხვა სამეცნიერო ან სასწავლო კონფერენციების, სემინარების, სიმპოზიუმების და ა.შ. მონაწილეობა და მიღებული მაღალი მიღწევები.

გ) შესაბამისი სპეციალობის მიხედვით აქვს შემოქმედებითი აქტივობა და წარმატებები (მონაწილეობა გამოფენებში, კონცერტებში, კონკურსებში, სპექტაკლები და ა.შ.)

გამოცხადებულ კონკურსში გამარჯვებულად ჩაითვლება ის კანდიდატი, რომელიც ყველაზე მეტ ქულას დააგროვებს.

საკონკურსო შერჩევის საფუზველზე სტიპენდია გაიცემა სემესტრული შედეგების მიხედვით, ყოველთვიურად ერთი წლის ვადით, თუ წინამდებარე დებულებით დადგენილი წესით არ იქნა მიღებული გადაწყვეტილება სტიპენდიის ვადამდე შეწყვეტის თაობაზე.

სტიპენდია ენიშნებათ სამივე საფეხურის სტუდენტებს სწავლების მესამე სემესტრიდან.

კომისიის მიერ არ განიხილება ფინანსური დავალიანების მქონე სტუდენტის განცხადი.

პრეტენდენტის მიერ საკონკურსო დოკუმენტაცია უნივერსიტეტში წარმოდგენილი უნდა იქნას პირადად, ქართულ ენაზე 4 ეგზემპლიარად.

თითოეულ პრეტენდენტს აქვს მხოლოდ ერთი განაცხადის წარდგენის უფლება

სტუდენტს სახელობით სტიპენდიასთან ერთად სხვა სახის სტიპენდია, (მათ შორის სახელმწიფო სტიპენდია) არ მიეცემა, მას უფლება აქვს არჩევანი გააკეთოს სტიპენდიებს შორის.

განცხადებებს განიხილავს სპეციალური კომისია, რომელიც იქმნება რექტორის ინდივიდუალური ადმინისტრაციულ-სამართლებრივი აქტით.

განცხადებების მიღება იწარმოებს ..... დან ..... მდე შესაბამის ფაკულტეტზე.

უნივერსიტეტის ადმინისტრაცია

## გ ა ნ ც ხ ა დ ე ბ ა

საჯარო სამართლის იურიდიული პირი -

ბათუმის ხელოვნების სასწავლო უნივერსიტეტის საუნივერსიტეტო  
სახელობითი სტიპენდიების მოსაპოვებლად კონკურსის  
გამოცხადების შესახებ

ბათუმის ხელოვნების სასწავლო უნივერსიტეტი აცხადებენ კონკურსს შემდეგი  
სახელობითი სტიპენდიების მოსაპოვებლად:

1. ტბელ აბუსერისმის სახელობის

2. ფრიდონ ხალვაშის სახელობის

კონკურსში მონაწილეობის მისაღებად განაცხადის წარდგენის უფლება აქვს  
უნივერსიტეტის აკადემიური უმაღლესი განათლების სამივე საფეხურის სტუდენტს,  
სწავლების მეორე წლიდან თუ:

ა) სტიპენდიის მისაღებად კონკურსის გამოცხადების მომენტისათვის სასწავლო  
პროგრამით გათვალისწინებულ ყველა დისციპლინაში აქვს 91 და მეტი ქულა;

ბ) გამოქვეყნებული აქვს სამეცნიერო ნაშრომი შესაბამის სპეციალობაში ან არის  
სხვადასხვა სამეცნიერო ან სასწავლო კონფერენციების, სემინარების, სიმპოზიუმების და  
ა.შ. მონაწილე და აქვს მაღალი მიღწევები.

გ) შესაბამისი სპეციალობის მიხედვით აქვს შემოქმედებითი აქტივობა და  
წარმატებები (მონაწილეობა გამოფენებში, კონცერტებში, კონკურსებში, სპექტაკლები და  
ა.შ.)

კონკურსში მონაწილეობისათვის წარმოდგენილ უნდა იქნეს შემდეგი საბუთები:

ა) განცხადება კონკურსში მონაწილეობის შესახებ;

ბ) სტუდენტის სასწავლო - შემოქმედებითი / სამეცნიერო ავტობიოგრაფია;

გ) შემოქმედებითი წარმატებების, სამეცნიერო კონფერენსის, სემინარის,  
სიმპოზიუმის და სხვა ღონისძიებებში აქტიური მონაწილეობის დამადასტურებელი  
დიპლომ(ებ)ის, სიგელ(ებ)ის, სერთიპიკატ(ებ)ის, პროგრამების და სხვა დედანი ან  
ნოტარიულად დამოწმებული ასლი;

დ) პირადობის მოწმობის ასლი;

ე) ცნობა სტუდენტის აკადემიური მოსწრების შესახებ;

ვ) სტუდენტის მიერ გამოქვეყნებული ნაშრომ(ებ)ის ქსერო ასლი;

ზ) არანაკლებ ერთი რეკომენდაცია პროფესორისაგან, რომელიც კარგად იცნობს  
პრეტენდენტის სასწავლო და სამეცნიერო საქმიანობას

საკონკურსო დოკუმენტაციის შეფასება ხორციელდება შემდეგი კრიტერიუმების  
მიხედვით:

ა) საგანმანათლებლო პროგრამით გათვალისწინებულ ყველა სასწავლო  
კურსში/მოდულში 91 ქულა და მეტი შეფასება;

ბ) შესაბამის სპეციალობაში გამოქვეყნებული სამეცნიერო ნაშრომი ან სხვადასხვა სამეცნიერო ან სასწავლო კონფერენციების, სემინარების, სიმპოზიუმების და ა.შ. მონაწილეობა და მიღებული მაღალი მიღწევები.

გ) შესაბამისი სპეციალობის მიხედვით აქვს შემოქმედებითი აქტივობა და წარმატებები (მონაწილეობა გამოფენებში, კონცერტებში, კონკურსებში, სპექტაკლები და ა.შ.)

გამოცხადებულ კონკურსში გამარჯვებულად ჩაითვლება ის კანდიდატი, რომელიც ყველაზე მეტ ქულას დააგროვებს.

საკონკურსო შერჩევის საფუზველზე სტიპენდია გაიცემა სემესტრული შედეგების მიხედვით, ყოველთვიურად ერთი წლის ვადით, თუ წინამდებარე დებულებით დადგენილი წესით არ იქნა მიღებული გადაწყვეტილება სტიპენდიის ვადამდე შეწყვეტის თაობაზე.

სტიპენდია ენიშნებათ სამივე საფეხურის სტუდენტებს სწავლების მესამე სემესტრიდან.

კომისიის მიერ არ განიხილება ფინანსური დავალიანების მქონე სტუდენტის განაცხადი.

პრეტენდენტის მიერ საკონკურსო დოკუმენტაცია უნივერსიტეტში წარმოდგენილი უნდა იქნას პირადად, ქართულ ენაზე 4 ეგზემპლიარად.

თითოეულ პრეტენდენტს აქვს მხოლოდ ერთი განაცხადის წარდგენის უფლება

სტუდენტს სახელობით სტიპენდიასთან ერთად სხვა სახის სტიპენდია, (მათ შორის სახელმწიფო სტიპენდია) არ მიეცემა, მას უფლება აქვს არჩევანი გააკეთოს სტიპენდიებს შორის.

განცხადებებს განიხილავს სპეციალური კომისია, რომელიც იქმნება რექტორის ინდივიდუალური ადმინისტრაციულ-სამართლებრივი აქტით.

განცხადებების მიღება იწარმოებს ..... დან ..... მდე შესაბამის ფაკულტეტზე.

უნივერსიტეტის ადმინისტრაცია